

大清光緒三十年

本館新開禮拜外每日出論一紙如外埠均可函致本館取閱除日本外常採辦外書不也工本從英法各國採辦外書不刊印各樣單件並有英各紳體活字及各式花邊等延有西人排印工藝精所有石印字大小均能刊用精工刊

叻報

第六千六百九十七號

印工緻絕倫並延有文士書寫各種文字現由上海另行刊佈所有各項其甚相宜再本館所登來札原稿亦須無世道人心者附登其有謾罵成文以及支離費解者概不登錄嗣後諸君來札尚祈自諒更須寫實里而後敢將原稿收回也本館謹白

Printed and Published by See Ewo Lay 三拜禮號一月六年四零百九千一英大 at No. 124-D, Cross Street, Singapore.

廣告文人 ○啟者本報欲欲聘請文士一人專主書寫石印一席其人必須精於會計及頗工書法者方能稱職
招購菓園 ○啟者茲有菓園一所坐落東陵附近差館園中種有榴連 芒吃 紅毛丹 峇南
延請書記告白 ○啟者本館刻欲延請書記一名其人必須精於會計及頗工書法者方能稱職
如有欲承斯之者請來本館面商可也此佈
本館謹啟

論俄人破壞中國中立之局
初俄日之開戰也中國朝廷即宣布守局外中立之諭普天率土莫不聞而非之蓋以俄日之戰為我東三省故也既為我東三省而我反置身事外天下寧有是理此我中國不能守局外中立之一也東三省雖為俄人之所佔據我中國究未嘗割畀俄人我守局外中立而書遼河以西為界則遼河以東究為何國之地乎此我中國不能守局外中立之二也

不能守局外中立之局
兩不能從乃遂出此下策環球各國雖明失中國之不應如是然亦愛莫能助未便為之越俎代謀至於俄日兩國則固願我之中立而固不願我之中立者也或拒或從在俄人皆無不利如曰拒也則俄勝日而可并吞其國且更兼及於中華各國既無可責而俄人乃能逞其大欲萬一敗也則俄亦不過退出東三省而已以我中國之兵船不足為俄國重然糧餉可由中國採辦以便轉輸其利一軍火可由中國接濟無虞缺之其利二軍士可由俄人訓練令為前驅其利三則中國首當其害勝則俄人仍可運其陰擊之俄從容以困逼我故我之中立俄人所不願也若日本之願我中立則亦有說焉蓋中國荷從俄拒日則日即不能視中國為大敵而俄人之利益甚多此日人願我守中立之意之一中國荷從日拒俄則俄日不能藉中國以圖存戰而勝中國必將謂俄人之敗亦與有力若非兩國合縱勝負之數恐尚未可預期是日徒勞其師喪其財專為中國奪還遼東而一無可獲之利日即仁至義盡恐亦不如是之甚也中國惟以局外自處則日敗於俄固不以中國之在局外而敗俄敗於日正得以中國之在局外而復可藉詞事所布不貪中國土地之言或者竟可以踐而能不求別項實報則吾不能為日人必也此日人願我守中立之意之二嘗有西友告余曰此次俄日之戰無論孰勝孰敗而西卑利亞與滿洲通連之鐵路實為環球至便益之大工將來必不毀也俄而勝無論矣日而勝則將以滿洲鐵路之利索之中國或令中國出巨款以購歸則其所獲已厚而不貪中國土地之說亦何嘗不可不見諸實行乎此雖臆度之詞然亦不為無見今者俄屢敗日屢勝日人願我中立之利既得如願以償而俄人不願我中立之利則即因此而失故其於敗後欲破壞我中立之局非徒欲以失之日本者取償之於中國亦其仍前之政策而無足異者特不知我中國將何以拒之 錄申報

諭旨恭錄 ○四月初一日 召見機軍 ○同日奉 上諭前據御史李灼華奏江蘇贛榆縣知縣徐樹鈞各款當經諭令魏光燾恩壽確查茲據查明覆奏所參各款查無實據惟該縣所用家丁書差馭之太寬致滋物議徐樹鈞著交部議處餘著照所議辦理該部知道欽此

香港專電 ○本坡浮里不來西接到十六日香港發來專電云聞有日本運船多艘齊到高麗

東北專電 ○本坡實得力太晤士西報接到十六日上海發來專電云現有俄軍六百名由端州

專電云由佛山透往三水之車路經已告成定於十六日開行云

上海專電 ○本坡實得力太晤士西報接到十六日上海發來專電云現有俄軍六百名由端州

登岸擾亂高麗東北地方云 同日上海專電云俄日兩軍將來在相距旅順南方十五英里地名全泰橋

之處必有一場大戰云

俄日仗務特電

○本坡實得力太晤士西報接到十四日英京發來特電云俄軍在金山之南山所築第一等堅固之營寨已被日軍子彈後奪去當時有俄國兵輪一艘由大連灣駛來夾攻日軍右翼而日本各戰船亦同至金山灣助其陸軍以攻俄軍在大連灣西方一帶俄軍皆為日軍殺敗以是俄之俄軍欲在旅順之北方再拒日軍亦難固守云 十五日英京特電云日軍南山之捷英京各報贊嘆同聲會皆是役也此之鳴聲江之捷厥功尤偉現在日本水陸軍兵確可稱雄字內蓋緣此次俄在金州時日既多久經預備一切固料一旦建為日軍所破尤屬出人意外英京日日電報論謂足見戰陣之全恃將之善謀以決兵之勝負試以此役觀之日本軍士殊不亞于歐洲各大國之軍士云云英京實升連日報論謂是役也日軍累覺失勢俄軍則較為得勢而且俄軍設備甚週不意日軍毫無畏怯勇往直前遂奏大捷云云他報亦曾見日本將才勝于俄將日兵之勇亦勝俄兵云 十六日英京特電云俄有大戰船一艘諒即鐵甲戰船馬廷于初十日曾由旅順駛至大連灣據報觀之金州之役有一俄船由旅順駛來夾攻日軍者是即馬廷戰船云 按據衆推測之詞諒係俄會現在旅順港口已為日船填塞難俄軍炸其兩艘然祇可淡水兵輪往來馬廷乃巨大鐵甲戰船烏能出口且前電曾言助戰者乃一兵輪則猶可說也 同日英京特電云日本陸軍大將現統領第二軍隊兼任參謀官奧保霖示諭遼東人士云此次日俄之戰日本出于無奈實因俄國過于貪得無厭所致耳日之拒俄悉遵公理日軍所到之處居民產業必當力為保全汝等自可深信斯言不須疑慮凡遇日軍暫借民間屋宇抑向民間購取應用之貨自當照公給值然本統領所深望于眾及先為告戒者係勒汝等切切不可幫助俄軍若有此事致被查知必不寬宥云云 按該日將若能曾出法隨不為民擾則與俄軍之橫暴無理凌虐華民誠霄壤矣

英奧交誼特電

○本坡實得力太晤士西報接到十五日英京發來特電云奧皇經將已國陸軍大元帥之崇銜贈與英皇云此蓋歐西各國交際之常亦以示親睦也

非南特電

○本坡實得力太晤士西報接到十五日英京發來特電云非南急高羅尼之議院經將禁止華人不得前來非南各處之律例宣讀至第三次云

美摩交涉特電

○本坡實得力太晤士西報接到十五日英京發來特電云有摩洛哥國之山賊名來斯匪在丹兒惹地方將前往該處遊歷之英人及美人各一名擄去勒贖美廷不允給款贖回已令駐亞蘭德海及駐歐洲兩處海軍備撥戰船七艘馳赴丹兒惹云

俄日仗務電音

○本實得力太晤士西報接到十五日英京來電云英京電報及拘羅尼高報駐日本東京探訪人致電回英云金州之役日軍奪獲俄軍機炮甚多云 十二日英京來電云刻再細查南山之役日軍死傷至三千五百名之多奪獲俄軍機炮七十五尊現據各日將之意在兩禮拜內必將旅順攻破其意以為雖屬強攻旅順軍兵死傷必多然使若以大兵困之則最速亦須三閱月方能得手如此則需時過久且勞動大兵故不如乘此之時攻破旅順縱使多傷軍士亦所不計云

戰事述電

○駐本坡日領事田中君得接十四日東京電論云日本海軍中將東鄉平八郎經已聲明由本月十二日起在遼陽之南自皮子窩起至普蘭店止之海口將諸俄軍遙遙圍困云十五日下午五點半鐘得接東京外部來電云統兵攻打金州之日將報稱日本步兵隊炮兵隊工兵隊同於十三日進據難過嶺將該嶺俄軍趕散俄軍於退走時將三十里堡之車站縱火毀之此堡坐落大連灣之西北方十二日之役日軍奪獲俄軍機炮五十尊及軍械營寨甚夥陣斃俄軍四百名日軍死傷三千名又接次破金州詳細電音云十二早兩點三十五分鐘天未明時日軍拔隊進攻金州該處俄軍所設防守炮壘異常堅固計有大小機炮五十尊連環炮兵兩隊當時曾在南山預掘陷坑深溝俄軍據溝堅守餘各要隘皆設連環快炮日軍既進俄軍死守其地以拒日軍日軍炮隊發炮猛攻其炮台俄軍亦在炮台回炮還擊至十一點鐘時俄軍之炮始為日軍之炮轟壞幾難還擊俄軍連環炮隊遂退保難過嶺兩軍大戰至黃昏時俄軍炮隊一退日軍炮隊即行進攻俄軍所掘深溝步兵繼之時與俄軍相距約四五百米打 註每米打即三十九英寸 不意俄軍所設白鉛線網繼以地雷之其以掘深溝層層佈置且其炮隊及連環炮隊一同發炮回攻仍未停止厥後日軍冒彈而前與俄軍相距不過二百米打斯時日軍仍欲再進無如屢進屢退甚難得手後由炮隊開炮猛攻直至入夜日軍備履艱難肉薄血飛始將白鉛線網攻破轉戰直前得將俄軍殺退各台機炮皆為日軍所奪猶幸日軍一到炮台即已查知有一電線透至南山東方之地雷即將電線割斷地雷乃不炸發云續接東京外部來電云日本陸軍大將統領第二軍隊兼參議官奧保霖報稱南山之役日軍第四隊在左第三隊在右以第一隊居中俄軍則有步兵一隊陸路炮兵兩隊及守城炮隊水師炮隊彼此交戰第四隊日軍一見已國水師由金州灣發炮夾攻俄軍右翼兵力稍殺登即奮勇直前將俄軍殺敗諸日軍乍親第四隊經已獲勝一齊進擊俄軍急將大王山之軍械焚之乃潰日軍奪獲機炮六十八尊連環炮十尊軍械營寨不計其數是役也日軍死傷約三千五百名陣獲俄軍屍首五百具左右云

星使南來

○中國新 簡駐奧欽差楊星使晨為駐日使臣楊星使樞之介弟此次大卿 命赴奧附搭德郵船答鄂開行于日昨過叻星使此行係代吳使德章之任云

好官將去

○碩龍我西報云護憲愛君自到實得力蒞任已來已逾廿載近因政躬弗豫眾已憂之茲聞國家醫生察知奚君之症不

嘉

怒

鈕

公

司

告

口

本公司所沽之正金鐘標萬蘭池酒久已通行已為諸君所共鑒不意此酒銷流過盛奸商志圖射利以致魚目混珠不分真惡而諸君所
有吸飲此等假冒之萬蘭池酒者為害甚大本公司不得不將此中詳細佈眾週知免受棍徒之害此不但本公司之益亦諸君同受之益
也啟者近來竟

有棍徒假冒本

公司正金鐘標

之萬蘭池酒其

標頭恍惚本公

司之款式少有

不慎受害甚深

因本公司所沽

之正金鐘標萬

蘭池酒不惜工

本係以頂上質

料釀成以故會

飲此酒者皆知

其益遠近馳名

而各棍徒假冒

之酒氣味雖同

相益大異故其

所沽之價比之

本公司更廉本

公司所運到正

金鐘標之萬蘭

新嘉坡五坡嘉怒鈕公司
辦事處在嘉怒鈕公司
代理各項美酒此係
諸君光顧之明標




嘉怒鈕公司

池酒其標頭經已稟官註冊凡有假冒此標者本公司定向公堂控究決不寬恕有欲購本公司正金鐘標之萬蘭池酒者務必留神細察
勿為偽貨所誤再者本公司正金鐘標之酒每樽皆有所刊標頭為據茲將標頭三式附刊報中以免誤認特此佈聞
大英一千九百零三年二月廿三號


嘉怒鈕公司謹啟

頂上法國保家舊萬年池酒發售

因欲便眾人試飲此種伊燕疊尼之舊萬年池酒定于數月之內祇收
半價實在此酒比之所收之價其值幾倍本公司可以保家確在法國
最大廠所造製酒本公司照例販運此酒來叻行銷因恐有人假冒故



將標頭登報此標之上
刊有一熊諸君自欲
沽買者請認明標頭庶
不致誤而本公司并非
長久賣此最廉之價



大英一千九百零四年三月十號
代理人牙直里有限公司謹啟

諸君幸勿失此機會不為採購且此酒之味永不改變非如他標之

酒久則變味此種熊標伊燕疊尼萬年池酒在以下所列之店均可零

沽 德茂公司 怡昌公司 陳大耳公司 文成公司 廷貴公司 及

各零沽酒牌之店皆有出沽欲購大宗請 玉臨本公司可也此佈

徒于區區清鄉一事竭力整頓吾恐獅子搏兔出盡全力而粵東之盜恐將隨興隨起也

劇談兩紀 ○某郡試其幕友得一卷首題通篇篇三四百之字次題通篇篇三四百無字展卷瀏覽大笑不止幕中遇其友即出示之以博歡笑弗忍擯去也至發榜期近手足俱忙誤將此卷和各卷薦之某太守得此卷列為第一及榜發士論譁然幕友自言其誤薦並詢太守何以列為第一太守掀髯笑曰諸卷圈子雖多我看不出好處惟此卷字字明白令我心目俱爽所以列第一也幕友聞言掩口壺盧而退以為尚識之無云○醫入病家診脈正欲按指適強盜大至病家驚甚醫曰有先生在房用驚也醫徑出強盜十餘輩已入醫但輕舉其三指強盜見之呼眾沒命狂奔若恐不及然醫家謝其功而問其何能至此醫曰彼輩知機走得快若遲半步則無遺類蓋吾之三指不知殺却幾多人也病家亟大賀

閨事三則 ○泉俗械鬥成風每因田土婚姻細故動輒尋仇釀成巨禍官軍到辦糊塗了事轉如燎原之火愈撲愈熾近如永寧衛董姓與高姓有隙彼此憤爭董自知不敵招連鄰鄉姓姓嘶殺奇橫田疇五穀一洗而空最駭聞者莫如昨某甲會集二三里黨潛伏僻靜之處伺敵入經過以刃刺入胸前計合鎗斃一日九人人命幾如草菅官斯土者乃猶在睡夢中而不為之安靖何也○三都一帶稱海濱為胭脂窟凡都知錄事之自漳廈來者胥於橫街橋西賃屋而居黃昏後鉸影衣香閨調越曲相繼雜作雖殘葩俗艷不足富風雅士一噓而嫖娼可愛媚態橫在生年少輕薄兒靡不常停游騎驎想斷魂也詎日前社神某明經調楚館秦樓迷人不覺足為綠林豪客潛踪立即巡稟汛防嚴行禁止於是肥紅瘦綠抹煞風光狂蜂游蜂消亡興致楚腰纖細掌中輕之句恐雖舊調重磨也○釋氏侈言報應然若童子無知何處獲罪而致不承其年則又何說以處此三都石塘東坑二社日來時症傳染受其毒者皆孩提居多而成童以上轉覺無幾查其病根大抵胸膈夾痰心窩中毒急者發燒一天邪熱不退則束手待斃緩者或過四五天而亦斃恨無一滴楊枝水遍洒人間蘭蕙芽合計幼穉之輩未及三旬兩社不下二三十人一時把西河痛者相對歎歎亦慘矣哉

南寧訪函 ○南寧上月廿四日函云著匪唐倫數日前在宣化縣屬蘇盤村肆行擄掠經官軍各營前往勦捕匪黨聞風先逃已錄前信茲悉各營回署後該著匪又率其親隨悍黨數十名仍返該村屯聚村人復往南寧稟報十九日宣化縣彭大令帶同親兵連夜馳往四面圍捕匪黨出而拒敵及至將曙湧洩大雨匪即棄兩而逃該著匪唐倫槍墮馬遂被擒獲並獲該著匪之師爺唐舉善一名二十日一併押解回署即行訊明正法連月以來西匪渠魁迭已授首匪鋒大挫黨羽散逃肅清之期或有可望是處人心不若前時之惶恐矣

俄兵近情 ○天津函云據海城來者言海城現無俄兵但於城外火車站見有騎兵六百餘名皆攜短槍又有步兵八百餘名皆携長槍該兵從前係在城東雙山子據守刻又移至城西○俄人近招募苦力三百人在亮甲山修築東清鐵道支線現已落成數里○三月十七日有俄國馬兵二百餘名各帶長槍自遼陽前赴岫巖俄人又在一家屯招募苦力七百名於十九日起工修築道路現已修至石橋子牛家屯海城間聞工程一個月即可報竣○牛家屯火車站票其價從前一驛收價一元云○俄在遼河衝要搭蓋行軍浮橋中國政府據理力爭雖暫停工仍營運物料不輟恐難中止日前該處某員電稟外部謂如再堅拒勢必決裂請示辦法云聞外務部已電覆相機辦理矣俄誠恃強蔑理者哉

婚姻兒戲 ○倫敦報云美國近二十年內夫妻離異者有五十萬人計有全歐洲加倍之多禮拜堂有多處均云如此辦法是視多夫多妻為常事矣

熱河安謐 ○熱河松都統於日前委員來京請領鉛藥及夏季餉銀據稱該處馬賊已結隊赴東三省故地方更形安謐此誠熱河居民之福也

俄禁報家 ○俄國各新聞紙去年因觸政府忌諱被令停刊者有八十三家核計停刊日數多至三十二年各報主筆亦經政府詰誠謂如再不悛改即當流謫西伯利亞聞主筆因此獲罪者已有二百五十九名云

俄兵近情 ○山海關特派員函云俄人已在遼陽連山關開運鋪雪裏站等各處設立後路糧台每處均備車馬甚多搬運軍糧忙碌異常聞日前在寬城子地方收買馬車二百餘輛每輛雇用人二名每車套馬五匹華人一名每月薪水十五盧布○現駐遼陽俄兵約計二千八百餘名其在西門外皇子廟內者係第十四聯隊新募之兵計二千名其在北門外者係第五聯隊計七百名戶部衙署亦被俄兵占據南門內安置大炮二尊○日前有日本婦人年約二十三四歲扮裝中國男子隨帶華人一名由哈爾濱遊歷入關○據旅順歸客談黃金山山西麓炮台破損殊甚老虎尾炮台亦甚損傷現在東港內繫泊兵艦三隻皆已受傷○金州城東北三門俄軍累積大石自行封堵惟開南門且該地方鐵路沿途棚外各處均已埋伏地雷○海城城外西北流之河北岸現有俄隊兵二百五十名步兵四百餘名張幕而居兵營之西堆積馬糞少許麥麵千二百袋 每袋約重百六七十斤 分屯三處

又開福瑞 ○中法報云日前有東京法警偵探兵一隊被廣州灣亂黨所攻有一法外委千總被亂黨所殺又聞某日亂黨久與法偵探隊相攻偵探兵死三人尚有偵探兵二人在唐海島 譯音 遇害聞屍身皆被亂黨肢解現在法人辦理此事頗為嚴厲

東瀛大火 ○東京來信云三月十三夜日本北海道所轄小樽地方忽然火發延及南濱北濱各町被災民人二千四百八十一戶共房屋一千二百廿八棟并毀電竿二百四十株郵政局稅關小學堂各一所巡捕房二所銀行大家醫院三處外傷者不計其數各保險行所雪價款約二十萬元

命案已結 ○洋人槍斃幼孩一事初四日在佛山分司衙門斷由洋人補回四百五十元了事并由鐵路工程局查照通商約章以該處非口岸地方洋人不能入內營業函請該管領事將該洋人調離以免滋生事端

難期弛禁 ○美國政府各部大臣會集商議華人禁例事因禁約將近期滿是以會議善後事宜政府得禁約雖滿而禁例仍可嚴行至禁約滿後不獨可以照行禁例更可以嚴於約存之日康格公使將情由知照中國政府望中國政府收回聲明停止限禁之文惟有此一事知得確實至十二月七號禁約斷絕而禁例亦必照行總律院律師留心查考一千九百零二年之禁例不久將列明稟覆總統統思勞維及諸士曾與上下議員等面議此事上下議員等亦曾自為商議若議院見得必須加添難禁方能續行禁例亦必趁議員未散議之先議加例款據議員言若議此事亦屬非例云

豫籌戰局 ○日本大坂某日報云俄人之防旅順也設有時戰兵要塞炮兵併埋藏地雷若干其野戰兵內合步隊馬隊炮隊工程隊約共八千名其中惟炮隊驍勇善戰所用者皆係要塞炮要兵約三千餘名攜帶炮位甚多似乎亦甚可恃者如何鑿壕築堡分投防備尚未能偵探詳明惟悉各砲防兵總數在四萬餘名之譜倘值事機危急則各軍艦水手可抽調一半登岸協防至于步兵約有五千餘名果然則我日忠勇無雙之軍人常必與之苦戰不計損傷與否終可告厥成功蓋以九連城既勝算獨操實於大局成敗如何大有關係也

意炮新奇 ○羅馬來信云近有意大利國陸營武弁利誇之氣君製一種快炮頗極靈捷新奇鼓鑄以成擇地試驗每一分時能放至九百出開之專門業此者謂自苦路之部炮及馬幾希磨炮通行之後從未見有若此利器令人可愕可驚自應給與專利文憑以免他國購取其法刻已由意政府頒給英金一十六萬由國家將其法購歸矣

火車被盜 ○吉隆來札云月初六日華商黃麗水由絲南開附搭火車欲往瓜勝南暴腰總銀員銀票三千二百元時在車中與黃並坐者向有一客維時黃已倦甚旋入睡鄉因料一覺醒時所攜銀員銀票固已不翼而飛而並坐之一客亦復查如黃鶴心知遇竊赴報捕房誦緝至今尚無踪影云敬告附乘火車者其請以黃為鑒哉

偽銀案詳果 ○前報十三號英三書差及二百五十八號穆拉油二畫差同到浮羅勿勝尼閩人陳水聚敬吳伯茅屋中搜獲銅銀三元小洋毫十枚共一元新舊銀模三枚雙毫銀模一枚半只銀模兩枚并藥水藥粉銅匙藥火爐銅壳等物將陳等三人拘控于案一節昨十七日由府訊畢判將此案上詳臬轅核奪

波心脫險 ○粵人陳支昨因有友自華海來坡特赴廿八峇汝迎接不意既登輪上猝然失足墮于水中所幸其時岸上船上人山人海有某舟子見水拯之得免三閭把臂豈死生固有定數耶

爭水傷人 ○十六日中午時孟加里人猛架里與閩人李義妹同在昆士街因爭挑水起衅猛以拳擊折李之門牙兩枚李喚六號暗差將猛拘控昨十七日由府過堂展限念四日乃訊 閩人傅彩壽及潮人許江耀潮婦符亞帶全居于施排埔門牌第八十六號昨十七日十二點鐘時因在屋中爭水之故許以玻璃酒樽符以木棒將傅擊傷甚重傅負創鳴差將許符兩人拘在同赴該管捕房報悉前情傳因傷重轉送醫院施治本日由府過堂展至念四日乃訊

烟案兩宗 ○閩人陳明錫昨早六點餘鐘道經南落亞逸被烟碼巡丁協同巡差在陳身畔搜獲私烟兩盒執控于案本日府訊該烟值銀五元判陳罰銀三十元不完改禁四禮拜 潮人林召粵人黃洪同由汕頭來坡昨在然申碼頭登岸被烟碼巡丁及巡海差在兩人行李中搜獲私烟及烟灰因將兩人拘控本日府訊判林黃兩人各罰十元兩人均已完罰省釋

竊案並誌 ○粵人黃修昨早六點鐘挾有被蓆枕頭道經然申碼頭遇一孟加里差查詢係自盜竊而來執黃控究本日府訊判黃罰銀十五元不完改禁兩拜禮 潮人田聰金十二早四點鐘在芳林基私偷五百七十三號中紅全籍蔡四之巨纜得手而去後被暗差查知執控于案

輿圖發售 ○啓者近自日俄開戰已來瞬經數日關心時局者咸欲得悉戰爭之地俾知攻守情形本館近有新刊中日韓三國地圖寄傳圖中于三國之省府州縣以及山川形勝則若列眉即現在俄日爭持之遼東半島尤為詳盡并附緬越印度及北京廣州上海各街道之圖設色工而字畫明令閱者直可按圖索驥 諸君有欲採購者請早 玉臨為盼此佈
光緒甲辰年四月十八日 本館謹啟

承頂聲明 ○啟者新嘉坡丹戎巴葛律門牌第六十八號陳賜我三月間承有新德昌京菓雜貨生理一全間今志欲別圖願將生理店底貨物一概頂與陳士奇 陳陽春 陳來春三人承受爰請公親蕭開勳翁陳鏡輝翁陳年玉翁駕臨即將店底家器貨物全盤核算明白其皆項若干即日當公親面前交明清訖以上來往數目等情概歸陳賜我自理與承頂人無涉自退以後任憑改換陳義隆字號永遠經營特此聲明 光緒三十年四月十七日 陳義隆謹白

廣西捐冊 ○茲將萬通號經手由孟加錫募捐廣西賑濟芳名列 蘇酒杯翁捐銀二十元 陳順官翁捐銀一十元 歐陽懷翁捐銀五元 陳雲根翁捐銀五元 李俊謨翁捐銀五元 陳門陸氏捐銀六元 林淵遠翁捐銀四元 和通寶號捐銀三元 林書聯翁捐銀二元 大清光緒三十年四月十七日 同濟醫院謹啓

離異聲明 ○念僕黃書德居住新加坡亞棉里安實得力門牌二十零七號自丁酉年九月初八日聘娶叻婦翁氏金枝為妻自是以來不守婦道僕時時好言相勸他半語不聽實無法可治誰料今歲四月初十晚六點鐘無故持磚並生旺裂傷腰邊以致鄰右來問是非使僕無言可答故薄言相聞到十二日僕不在家婦自已携他衣服一概之物逃出不歸僕想此婦尋他回來亦是無益非吾薄倖不如一筆兩休茲特登報聲明從此翁金枝已非黃書德之婦如有在外與人揭借惟經手是問與吾黃書德無干先此聲明以免後論 光緒三十年四月十六日 大英一千九百零四年五月三十號 黃書德謹啓

憲 大英欽命新嘉坡輔政使司 為招人投票事照得本國家現欲招人入票承充工役為此示仰商民人等一體知悉汝等有欲承充工役者其票當于西一千九百零四年閏月四號即華四月二十一日中午以前投交本署以憑選擇茲將所作之工開列 在峇厘實知亞路修理考槍之槍靶 如欲知其詳細及圖式者每日辦公之時可向營造司署大才副查詢及取閱凡投票者其票外必須寫明投交本署承充該工字樣并向營造司署大才副取討印便之票簡照式填寫方能合用至於棄取之權任由國家核奪各宜踴躍慎毋觀望特示 大英一千九百零四年五月廿七號 示

分拆生理聲明 ○啟者東陵路第五十一號牌門承發號生理原係張標汪忠兩人開創有年後已交與張標汪盤兩人名下承管遺業又在該路第七十六號門牌增設承發號生理損益均沾至去年四月張標汪盤兩人將其生理分拆經已將承發號歸與張標承發號歸與汪盤從此各自營生兩不相涉恐未週知特此佈 聞 光緒三十年四月十二日 承發號謹啟

精製印稿墨水發售 ○啟者西人修函必印底稿欲免錯悞遺忘之弊誠善法也然而所用印稿墨水寫字必須振筆疾書稍一遲留便防撇畫過濃致有墨痕外逸印成函稿亦復難免模糊有此弊端仍屬美中不足茲有格致之士新製印稿墨水一種所書函札印存底稿均無濃痕瀉出之嫌確能隨筆所書一絲不走似此盡善盡美足徵利用無窮近將此種墨水寄託本館為之代售今特廣為傳佈藉擴銷場加以物美價廉一試便知其妙矣此佈 大英一千九百零四年四月廿九號 本館謹啓

生死之關係 ○大英國名醫戴利和先生云夫人生之病痛皆以肝胆為主肝病則頭痛頭眩風濕骨痛口出臭味飲食不消及生痔瘡頸癭等症如胆病則面白血弱胃腸結滯諸病叢生婦女則月經不調及經前經後腹痛等症如有是症不早調治待症深之日生死之際欲治不得可不痛哉可不慎哉即華人所謂須未雨而綢繆勿臨渴而掘井之意相全故每見頭痛鼻流頸癭耳鳴痔瘡腸癰結血竭及夜不成寐之時則須即服戴利和先生所製肝胆補丸專治人心肝胆之痛無不應驗如响請試一罇則知其妙即婦女月經不調腰間作痛亦可服食○服法 每晚臨睡時可服二九以水或湯送下腸結滯多日者可服四九小兒五歲以上者可服一九五歲以下者則服半九 ○每罇價銀七角半 買上一打九扣 大英一千九百零三年十二月一號 南洋總代理人新嘉坡土庫街門牌十四號孟嘉大藥房發售

有棧招租 ○茲有棧房二間在甘光西貢地方門牌七十三號七十四號合意請到敝墊枋路頭恒春公司二樓商之便妥此佈 光緒三十年四月初四日 邱得松告白

買賣聲明 ○敬啟 諸商翁知悉自茲以往凡本號欲採貨件 諸商翁須認明本號平時買貨之人方可許兌領貨之時又須認明本號兌貨正印并紅毛字花號方可付領此佈 光緒三十年四月初四日 振裕號謹啓

代理火燭保險告白 ○啟者本兼武里公司現在與得蘭亞蘭得火燭保險公司及惹耶疊火燭保險公司及威麥急勿禮疊保火燭險公司代理保險各事 諸君有欲買保者請臨本公司面商便妥至于賠償之項極為快捷特此佈 聞 大英一千九百零四年二月廿四號 代理人新嘉坡兼武里公司謹啟

大英一千九百零四年二月廿四號

啟者英祖家
俄施那士局
所製之香水
粧粉 香
梘 等件
不精益求精
所有會經購
用者亦莫不
稱爲美善故
得遐邇馳名
至今已久
叻坡諸人
少購用未
遇知其美備
諸君有欲
購買者請本
公司爲之代
理儘可依期
購到特此佈
聞
大英一千九
百零四年二
月九號

中國通商銀行廣告

啟者中國通商銀行乃於西一千八百九十六年忽民末
十二號即華光緒廿二年十月初八日恭奉中國 朝廷
命爲之創設
計集本銀五百萬兩 先行收取二百五十萬兩
總理處設在上海 本銀行又分設於廣東
芝罘 鎮江 福州 漢口 北京 汕頭 天津
等處 本銀行所爲生項乃買賣以上各地之單及代
以上各處之匯項并電匯等件凡 諸仕商有物件按欲向
本行請貸及當單等件皆能命 如倘有欲將銀項寄存本
行者亦屬格外有益茲將本行所奉月息列明如左
三個月月銀期者每月利息三八仙半
六個月月銀期者每月利息四八仙半
十二個月月銀期者每月利息五八仙半
大英一千九百零二年拾二月二十號
中國通商銀行駐叻代理人莫實德洋行謹白

EST. 1760 JOHN GOSNELL & Co., Ltd. EST. 1760



Wholesale Agents - PERTILE & CO., SINGAPORE

啟司 巴大 理 坡 嘉 新


司各脫滋補鰵魚肝油



此油潤肺除痰補益氣血又能殺除爛肺之蟲改換穢毒之血消解
胃經之積滯舉凡身體瘦弱胃不消化肺經受病憂鬱傷房事色
傷破金吐血癰癩頑瘡小兒肌肉下長筋骨軟弱等症皆能治之不
論男女婦老少無病常服亦能壯
旺精神充盈膚革此乃清補而
不燥滋潤而不膩之聖藥也每
日服三次每次服三錢至四錢
小兒減半服食 英京司各脫
乳白鰵魚肝油公司謹識
此係司各脫馳名正乳白鰵魚肝油之標頭及其圖式其圖乃係一
人背負大鰵魚一尾有此標誌乃爲真貨 諸君賜顧請認明標誌
庶不致誤特此佈聞

星嘉坡莫梁公司代理發售

Milkmaid



實無戲言祈買牛乳者請
認明人號紅字切勿有誤
特此通聞

啟者此正紅字人號牛乳
第一上好天下馳名及此
乳膏真實原庄未有抽出

其膏油此食牛乳之補益也

光緒廿九年十月初十日